



Senin, 06 Maret 2023

Ogen: Hosea 10:1-8



DESKEN KARAP-KARAP



Kai jadina geluh kalak si la malang man Dibata? Iobahken me geluhna Adi nai sikap akapna nggeluh tapi kenca la ia patuh man Dibata mesera me sikerajanggenna. Nai ia ipasu-pasu genduari ia ndatken ukumen. Ngkai sabab itadingken Dibata ia, ipediat Dibata si la uli jadi man bana, kena ukum geluhna.

Bagenda me ituriken ibas renungenta paksa enda, isingetken maka nai bangsa Israel desken batang anggur si meramis buahna. Tapi kai si ibahanna, kepeken reh sikapna geluhna erkiteken ia ipekena-kena dinging ipasu-pasu Dibata maka reh buena ipajekkenna batar-batar. Kepe reh buena ulih ras pasu-pasu, siilakokenna eme majekken tiang batu man sembahenna. Desken kuan-kuan Melayu 'air susu dibalas dengan air tuba' bageme perbahanen bangsa enda, ngianati keleng ate Dibata simbelin. Bangsa perguak, la setia.

Kai sijadi, rajana lanai lit, kerina kebayakenna rikut emas-emasna itangtangi dinging ibaba ku Assur jadi sembah-sembahen man raja e. Lanai lit sitading, la saja geluh bangsa enda lanai erturi-turin tapi rajana jine pe itaban desken karap-karap. Kuga kin e? Karap eme sampah, sisa-sisa potongan kayu, bulung-bulung si la erguna. Teks Bahasa Indonesia nina 'seperti sepotong ranting yang terapung' tentunya ibas lau, mombak, bombang la eteh kuja sehna, la terpake nari. Bageme si inanami pemimpin bangsa e. Raja simbisa pe enggo salih jadi karap-karap, kuga nari nge rayatna sirulo?

Bagenda me kegeluhen kalak si la meteh mehuli, la la setia, la ngasup ngatakan bujur nandangi pemere Dibata simbelin ras keleng ate Dibata. Mari metengetlah kita, jaga diri ras kinitekenta gelah kita tetap bersih, merim ras mehaga. Ula kal kita jadi sampah si melket. Kata Dibata si njagai ras mpersingeti kita segedang geluhta. Nggurulah ku je.

👉 Jaga dirinta gelah ula jadi sampah si melketi simehuli